


Видза оланнӧд, сиктсаяс!



МИЯН 2012 вося сентябр 6 № (29)

КУЛОМДИН

Лэдзӧны «Куломдин» сикт овмӧдчӧминлӧн Сӧвет да администрация



Дом образцового порядка

Во исполнение постановления администрации сельского поселения "Усть-Кулом" "О проведении смотр-конкурса на лучшее содержание, благоустройство и озеленение территории сельского поселения "Усть-Кулом" 14.09.2012 года состоялось заседание конкурсной комиссии по подведению итогов смотр-конкурса. До этого члены комиссии обошли улицы: Центральную, Советскую, Ленина, Горького, Строителей, м. Аэропорт и м. Пятигорск. Итоги подводились по четырем номинациям. Оценить было нелегко: в Усть-Куломе много красивых, оригинальных и хорошо благоустроенных домов, дворов, подъездов, территорий близ предприятий и учреждений. При подведении итогов преимущество было дано домам в деревянном исполнении, так как мы живем в районе, богатом лесами.

Домом образцового порядка после обсуждения членами комиссии признан дом Александра Ивановича и Людмилы Васильевны Шаховых, расположенный по адресу: улица Строителей -44. Им будет выплачено денежное вознаграждение в размере 4 тыс. рублей

В номинации "Лучший двор жилого дома" наибольшее количество баллов набрал двор Виктора Алексеевича и Светланы Ивановны Гусевых, расположенный по адресу: улица Советская, 53"з", кв.2. Им будет выплачено денежное вознаграждение 4 тыс. рублей.

Самым чистым подъездом в многоквартирном доме большинством голо-

сов стал второй подъезд по адресу: ул. Советская, 52. Денежное вознаграждение составит 3,5 тыс. руб.

В номинации "Лучшее благоустройство и озеленение закреплённой территории предприятия, организации, учреждения" победителем признан ФГКУ "7 отряд ФПС по Республике Коми". Руководителю будет вручен ценный подарок.

Необходимо дополнить, что на территории нашего села много красивых домов с ухоженными приусадебными участками. Среди них дома: А.Н. Кондрашкина, Б.М. Чаланова, А.В. Попова, В.И. Ногиева, В.Д. Шебырева, А.М. Тарабукина, Е.Г. Мизевой, И.В. Ракина, Л.В. Волковой, Р.В. Третьякова, В.И. Мингалева, О.В. Лебедевой, В.С. Нехорошева; двухквартирные дома Н.М. Бабичева и И.Д. Гордиенко, А.А. Сухолуцкого и М.В. Торлопова, Е.И. Касевой и Н.М. Лодыгиной, Н.В. Новожилова и Е.В. Климович, Н.А. Булышева и И.Н. Кузнецова, В.М. Стрельникова и В.А. Гусева.

Своей оригинальностью ярко выделяется дом 23 по улице Строителей у молодой супружеской пары Александра Валентиновича и Марии Ивановны Булышевых.

Надеемся, что на следующий год устькуломцы примут активное участие в данном конкурсе.

**С.В. Рубан -
и.о. руководителя
администрации СП "Усть-Кулом",
председатель комиссии.**



Лучший двор жилого дома



**Самый чистый подъезд
многоквартирного дома**



**Лучшее благоустройство и
озеленение закреплённой
территории предприятия,
учреждения**

Снимки И.Морохина, Е.Тимушевой.

Дзюлюкъяслы "мөд мамъяс"

Куломдін пасьта уджалө 6 детсад, көні быдтөны-велөдөны школаөдз арлыда 304 челядьос. Медуна кага, 116, оло 9-өд номера "Улыбка" садйын, 50 - нельөдын, 42 - коймөдын, 37 - "Солнышкоын", 39 - мөдөдын, 20 - "Голубокын".

Тавося тулысын вөвлөм "Оптика" жырийн воссис содтөд челядьос мыйкө дыра видзанин, кодэ пырис өкмысөд номера "Улыбка" детсад улө. Жырсө дзоньталөм, кагаяслы став лөсяланаө дасьтөм выло матө 500 сюрс шайт вичмөдисны районса бюджетсы.

Кызди висьталис "Улыбка" детсадыон веськөдлысь С.П.Педюк, челядьос видзөны кык сменаон: 9-сянь 13 часөдз да 14-сянь 18 часөдз. Босьтисны кагаясөс кыксянь нель аросөдз. Быд сменаын 10 мортон. Мукөд садъясын моз жө нуөдөны арлыд выло урчитөм программа серти занятиеяс, ворсөмъяс. Уджалөны воспитатель В.В.Оплеснина да сылы отсасысь Е.А.Холопова.

Бур, мый лои коть татшөм ногон кагукъясөс содтөд видзанин, мыйон неуна "кызьортыштисны" пырны виччысьсысьяслысь өчерөд. Дзик нин пикө воөмаяс, кодъяслы быть колө уджавны, но некытчө инавны кагукъясөс, новлөдлөны Носимса да Кужса садъясө.

Уна-ө инасьтөм челядьыс Куломдіннын? Кызди котыртөма детсадыасын посни войтырөс быдтөм-велөдөм? Эмөсь-ө сөкыдлунъяс кадръясөн? Тайө да мукөдтор йылысь сөрнитим велөдан управлениеысь шөр специалист Любовь Дмитриевна Чалановакөд да методист Наталья Николаевна Нестеровакөд.



Л.Д.Чаланова да Н.Н.Нестерова.

Налон висьталөм серти, Куломдіннын школаөдз арлыдыс, кодъяс олөны гортаныс, 326 кага, өчерөд сувтөдөма 293-өс. Таво школаө детсадыасынь колльөдисны 57-өс, а арнас на местаө локтисны 2008-2009-өд воясө чужөмаяс.

Любовь Дмитриевна и Наталья Николаевна төдчөдисны: дошкольной учреждениясын дзюлюкъясөс видзысьясслон удж абу кокни: колө терпеннө, челядьос гөгөрвоөм да радейтөм. Ставыс 20 воспитатель, на пөвстысь квайтөн сетөны тшөтш содтөд образование: музыка, физической воспитание, серпасасьом, артисталөм.

Уджалысьяс кузя, позьө шуны, сөкыдлунъяс абуөсь. Абу этша ыджыд опыта специалистсы, и

томъяс пөвстысь водзмөстчысьыс да вьльторъяс чуйдысь - пыртысьыс. Босьтам "Улыбка" детсадөс. Сийө нималө водзмөстчөмөн быд мероприятиеын, приза местаяс босьтө творческой конкурсысын, кызд ГИБДД-он нуөдан, челядьлөн художественной фестивалын да с.в. Педагогъяс асьныс нырчөны жө конкурсысын. "Воспитатель года" конкурсын вермысьон лоис Ирина Леонидовна Зезегова, "Творчество. Новаторство. Мастерство" конкурсын - музыка нуөдысь Лариса Владимировна Костылева. Нина Ивановна Нестерова коллективын быдторйын ставлы отсасысь, велөдысь, а сідзжө районса семинаръясын да мукөд мероприятиеясын водзмөстчысь.

"Улыбка" сад лыддысьө районнын медбуръяс лыдын. Таын, дерт, ыджыд пайыс веськөдлысь Светлана Петровна Педюклөн, кодэ кужө коллективсө ышөдны, веськөдны нырвизьө, отсалө кыпөдчыны тшупөдысь тшупөдө.

Тадз жө позьө шуны Вера Ивановна Чаланова йылысь, кодэ уна во нин нималө "Солнышко" детсадыон веськөдлысьон. Бать-мам пөвстысь унаон быдтасьяссьө вөзйөны тайө садйө. Татчөс коллективлөн велөдөмыс аслыспөлөс - вөр-ва дорө муслун паськөдөмөн. Кагукъясныс петавлөны вермысьясон районса да республикаса смотр-конкурсысын.

Бать-мам пөсь кывъяс висьталөны 3-өд номера садса воспитательяс Светлана Егоровна Рассыхаева, Лариса Альбертовна Липина йылысь, кодъяслон кияс пыр прөйдитисны уна сө кага, а өні налөн группаясө вайөны нин асьыныс ныв-писө.

"Дзюляник, кыпид, рай кодэ пельөс" - тадзи позьө өткодявны "Голубок" детсадыөс. Педагог Елена Анатольевна Тимушева, садйон веськөдлысь Ольга Ревокатовна Кравченкокод кужөны ас дораныс матыстыны быд кагаөс. Öнэ сэнэ босьтисны велөдны коми кыв выль туйвизьон. Весиг роч челядь око-тапырысь кугтисны сөрниас пыртны коми кывъяс. Занятиеясон, ворсөмъясон, сылөм-йөктөмөн да мукөд ногон сетөны позянлун төдмасыны коми йөзлөн оласногон.

4-өд садйын быдмысьяслы "мөд мамон" лөоны ыджыд опыта педагогъяс Галина Александровна Шахова, Надежда Николаевна Груздева, Нина Фёдоровна Лютоева. Арлыд выло видзөдтөг оз артасыны кадон ни вынөн, медым быдтанторъясныс сяммисны босьтны олөмсьыс сөмын бурсө. А том специалистъяс пөвстысь велөдан управлениеын ошкисны Светлана Егоровна Уляшеваөс, кодэ некымын воон петкөдлліс асьсө уджас "өзйысьон" - велөдчанинын босьтөм төдөмлунъяссьө паськөдө водзө корсысьбөмөн, отарө кыпөдөмөн. Тайөс казаялсны коллективас и бать-мам да эз сорсыны, кор вөзйисны веськөдлыны мөдөд детсадон.

Бөркывйын, Куломдінса олысьяслы висьтала нимкодэ юөр - Лугөвөй улич выло босьтчөны кыпөдны детсадлы ыджыд стрөйба. Сьөмсө артыштөма республикасянь и районсянь 100 миллион гөгөр. Лоө кө сідз, кызди көсйөны - эштөдны өти воон - локтан во содтөд 120 кагалы усяс шуд веськавны тайө стрөйбаас. И төдчымөн чинас виччысьсысьясслон өчерөд.

Н.Буткина.

Снимокыс И.Морохинлөн

Син улас став районьыс



Мария Семёновна Лодыгина архивын

Мария Семёновна Лодыгина Кулөмдинын пыр вөли кывкутана уджъяс вылын. Демаысь петөм ныв, Вочса да Керчомъяса школаяс помалом бөрнын велөдчис педучилищын, уджаліс Вочса интернатын воспитательөн. Петіс верөс сайо ас кодъыс жө мича зон Степан Карпович сайо, коді сэк уджаліс Вочса сельпоын предон. Бөрынджык верөссө бөрийсны райпотребсоюзса председателён да локтісны овны Кулөмдіно. Мария Семёновна 14 во вөлі ЗАГС-өн веськөдлысьөн, 4 во - КГБ-ын, пенсия выло петтөдзыс - районса архивын. Со мый висьталіс М.С.Лодыгина бөръя удж йывсыс:

-Коралісны архивө уджавны да эг на пыр и көйысь. Виль удж, виль могъяс. А сәсся сеті жө сөглас.

Райархив сэк меститчис сиктсөветлөн ичөтик жырйын. Пыри кор медводдзасыс да вөлисти шемөсми: кытчө юрөс сиралі? Став документъясыс стопаон куйлісны джоджын, он и төд, кутшөм предприятиелөн либө организациялөн. Гөгөр бус. Босьтчи разберитчыны да бара стракө волі - чукөръ-

яс улас шыръяс и крысаяс нин овмөдчөмаось, вөрзөдан да отарө-мөдарө котөртөны.

Муні райисполкомө, висьталі ставсө, кутшөм серпас адзи, кори ыджыдджык жыр. Вөзийсны вуджны райисполкомлөн пөдвалө. Кирпич стенъяс да лөкиника вольсалөм джодж. А верөс и шуо: синмыд пө полө, киясыд вөчөны. Быттө вын сетіс - босьтчи лөсьөдны районной архивлы бурджык меститчанін.

Бур йөз отсөгөн ставыс артмис. Оти жыр вөчим, сәсся мөдөс, вочасөн тадз паськөдчим. Сувтөдалім джаджъяс. Став семьяөн вочасөн тэчалім мешөкъясө архив бумагаяссө да нуим выльлаө. Вөлисти нин босьтчи резьөдавны документъяссө да вурлыны выльысь. Верөскөд жө карө лэччөдлім - быть коліс петкөдлыны госархивлы, а сәні нин видзөдлісны, мый кольны республикаса архивө, мый бөр катөдны районной архивө. Уна во нин абу вөчлөмаось татшөм ревизиясө. Уна буртор босьті республикаса архив уджысь, ветлывлі мукөд районъясө. Ставсө аддзывлөмысь пырті аслам уджө.

Документъяс торйөдлі быд сиктсөвет, предприятие, организация да учреждение пасөн - аслым лои кокниджык корсысыны, ковмаскө кодлыкө кутшөмкө бумага. Торъя фонд осьті пенсияяс кузя, ыджыд удж босьтіс районной газетлысь архив лөсьөдөм. Ставсө висьтавын он вермы - районной архивлы колө чукөртны да тырбурөн видзны сы мында гижөд, төждысыны да контролируйтны, мед нинөм озвоштыны предприятиеяс, учреждениеяс, организацияяс. Та могысь ветлывлі местаяс выло, велөді уджавны архивөн кывкутысысөс, веськөдлысысөс. Сиктсөветъяс пөвстын та кузя буръясөн вөліны Помөсдин, Керчомъя, Куж, Вөльдін, Немдін, совхозъяс пөвстын - "Помоздинской", "Пожегодской", "Усть-Немской", леспромхозъяс пөвстын - "Помоздинской" да с.в.

Республика тшупөдсянь воысь во корисны пыртны архив уджө выльторъяс. Сідз, районной газет пыр төдмөдны нималана йөз, вөвлөмторъяс, уджаланінъяслөн (совхоз, леспромхоз да с.в.) сөвмөм, уна мукөдтор йылысь. Ветлөдлі сиктпосёлокъясө да артмис районлөн история пас улын торъя юкөн: "Парма горын" йөзөдчөмысь республикаса конкурсын сетлісны медводдза места. Аттө висьтала Эмма Степановна Юдиналы, коді эз артась кадөн ни вынөн, ыджыд пай пунктіс районной архивөс пөрадокө вайөдөмө. А өд сәки тайо ыджыд уджысыс вештісны сөмын джын ставка, ичөтик удждон.

Со тадз Мария Семёновна Лодыгиналөн архивын колёма 14 во, олөмсыс казътывлана вель кыз пласт. Казъявлөмаось водзмөстчөмсө, пасйөмаось "Уджывса ветеран" медальөн, уна почөт грамотаон.

Н.Буткина.

Типография

Типография вөлі востьөма Кулөмдінын 1929-өд вося июньын районной газет лэдзөм могысь.

Сәкся кадө типография да редакция вөліны өтувъя учреждениеөн, меститчисны важ керкаын, көні эз вөв колана условие. Газет печатайтчис кипом станокөн, текстлысь набор сідзжө вөчисны кипомысь.

20-өд нәмлөн 60-өд воясө мөдіс ыджыд өдөн сөвмыны районнын промышленность да экономика. Вежсьөмъяс кутісны корны печатайтчан учреждениельсь мукөд вөчас: унапөлөс бланкъяс бухгалтеръясы, инструкциясы, журналъяс, плакатъяс, кодъястөг он вермы колана ногөн нуөдны удж.

1962-өд воын типография лои торъя учреждениеөн, но веськөділс редакцияса уджалысь. 1972-өд воын типография и редакция вуджисны Ленин улица вывса выль керкаө. Печатайтчыны воис выль оборудование, сійө өна кокньөдіс йөз-



Типографияын вөвлөм уджалысьяс

лысь удж. Заказъяс өна содісны. Сувтіс юалөм, мед типографиялөн вөлі аслас веськөдлысь. 1978-өд воын Кулөмдінса типографияөн веськөдлысьөн индісны менө, кор вои Москвага графической институт помалөм бөрын.

Сәкся кадө типография уджаліс лун да вой. Зілісны 12-13 мортөдз. Ставныс кывокүтөмөн йитчисны удж дорө, сьөлөмсянь, бура и кад кежлө пыр лэдзисны газет. Сідзжө типография лэдзис Ульяновса манагырлы "Стефановский лист", вөлі чукөртөма и лэдзөма небөгөяс: "Сьө-

лөмөй бөрдө и сьылө", "Тайна имени", "500 рецептов народной медицины" да уна мукөдтор.

20-30 во уджалісны типографияын А.А.Тимушева, К.А.Чисталёва, Н.А.Русинова, М.И.Кирушева, Л.А.Лодыгина, Т.К.Кочанова. Томъяс пиысь казгышта Г.Н.Лютееваөс, Б.В.Попвасевөс, Э.Е.Лопуховаөс, М.В.Шаховаөс. Налысь бур уджсө пасйөма районса да республикаса почёт грамотаясөн.

Уджалан план тыртөмысь уджалысь котырөс унаысь пасйөлісны бур боксянь. 1982-өд воын типогра-

фия босьтис медводдза места Республикаса соцсоревнованиеын, мыйысь сетісны вуджан Гөрд знамя. Пасйөлісны республикаса Почёт книгаө.

Олөм вөлі пуө, йөз зіля уджалісны, өтлаын ветлывлім демонстрацияса вылө, пасйөлім праздникъяс, ветлывлім мукөд типографиясө велөдчыны да сетны налы ассыным уджалан опыт. Виччысим бурланьө вежсьөмъяс асланым олөмын да уджын. Но локтіс сідз шусяна "перестройка": кисисны леспромхозъяс, совхозъяс да мукөд предприятияса вылө заказъяс другөн чинісны. Ковмис чинтавны тшөтш уджалысьяслысь лыдсө. Бөрья воясө уджалім сөмын куимөн.

2009-өд во помын Кулөмдінын типография тупкысис.

Өні "Парма гор" газет печатайтөны Киров обласьтса Мураши карын.

Е.Попова.

Типографияөн вөвлөм веськөдлысь.

Фотограф Попвасев

Менам бать, Дмитрий Петрович Попвасев, чужис 1923-өд воын Кулөмдінын уна челядя семьяын. Пөлөй уджалөма колхозын. 1953-өд воын сійөс репрессируйтөмаөсь да мөдөдөмаөсь Ухтаө, бөрындыжык бөр сетісны бур ним. Пөчөй, Ольга Константиновна, өтнас быдтөма 4 челядьөс. Поснияс батытөг олигөн водз төдмалісны сьөкыд олөм-

лысь көрсө, эз повны сьөкыд уджысь.

1942-өд вося февральын батыөс 18 арөсөн босьтөмаөсь война вылө. Великой Устюгса военно-пехотной училищын 7 төлысья курсъяс помалөм бөрын участвуйтөма тышъясын. Сьөкыда ранитчөм бөрын 1943-өд вося майын гортас сійөс лэдзөмаөсь запасө. Бать сьөлөмсянныс аттьөалис военной хирургъ-

ясөс, кодъяс ловзьөдөмаөсь сійөс некымын операция вөчөм бөрын. Повтөмлунысь наградитөмаөсь Отечественной войнаса медводдза степеня орденон, "За оборону Ленинграда", "За победу над Германией" медальсөн. Война вылысь гортө локтіс инвалидөн. Аддзысис менам мамкөд, Анна Васильевнакөд. Гозъя лэптисны керка, быдтисны да

велөдісны челядьөс. Менам бать вөлі фотографөн. Медводз заводтис уджавны "Чапаев" быт керкаын, сійө вөлі ДРСУ керка дорын. Быт керка тупкысьөм бөрын заводтис уджавны ас вылө. Йөз төдісны сы йылысь да волісны мянө либө корлісны гортаныс. Тшөкыда велөдліс ылі сиктьясө аслас радейтана велосипедөн. Сьөкөд сійө эз

Өлексеевна



Д.П.Попвасев аслас велосипедөн

торйөдчыв олөм чөжыс. Бать вөлі век туйын да семьяын сетлім сылы нимтысяна ним "вечный турист". Фотография-яссө вөчис гортын, глянуйтис торъя стекло вылын, доръяссө вундалім челядь. Кажитчис ставлы видзөдны фотографияяс вылысь төдтөм чужөмъяс вылө. Юасим, кодъяс найө да кытысьсө. Медся буръяссө нульвлі школаө, петкөдлывлі ёртъяслы.



Д.П.Попвасев туйын

Удж кузя ме тшөкыда ветлыв-ла район пасьта, аддзысьла йөзкөд, кодъяс казътывлөны батьөс сөмын бур кывйөн. Аттьоалөны сійөс сыысь, мый налөн эмөсь фотояс важ олөмысь.

Кыдзи быд серпасасысьлөн, фотографлөн эм аслас "почерк". Ме кокниа төдмала газетъяс лист бокъясысь батьлыс важ снимокъяссө. Торъя нимкодъ, кор автор гижө, коді сетіс фотографиясө да коді вөчөма.

Миян семья и рөдвуж кадысь кадө гортса архивысь видзө-давлам батьлысь вөчөм фотографияяссө да гөрдитчам сыөн сиктлөн да районлөн олөмө төдчана пай пуктөмысь.

В.Никитина.



Е.А.Попвасева ёртъясыскөд вотчигөн

Видзөда да өні уна верстыө йөз дышлы сетчөмаөсь, радөйтөны, колө и оз, румкаад видзөдлыны. А өд коми йөзыд век вөлөмаөсь вежавидзысьөн, рамөн да уджачливөн. Босьтны менсьым ыджыд мамөс, Попвасева Евдокия Алексеевнаөс. Сы ыджда овмөс бергөдлөма, а өд верөсыс вөлөма инвалидөн да ёна отсасыны гөтырыслы абу вермылөма. Водзын уна-лөн вөлөма крепыд овмөс. Вот и миян ыджыд мамлөн картаас видзлөмаөсь век кык мөс, вөв. Оз ков, бара, яйла да выйла вөлі лавкаад мунны, петав сөмын пөгребад.

Кор семьяыс ыдждіс (быдмисны куим пи да куим ныв), гозъя думыштисны выль керка кыпөдөм йылысь. Лөдзисны вөр, но сійөс мырддөмаөсь.

Мөд онас вылысь ковмис заптыны керъяссө. Гозъя лөптисны кык судтаа ыджыд грөмадина керка. Ыджыд мамлы улыс комнатаыс кажитчөма ляпкыдөн да сійө өтнас кодйысьөма кык кер судта муас. Зато жар гөжөмъяснад сэн век вөлі ыркыд.

Важ йөзыд тай өніа сертиыд вынаджыкөсь вөлөмаөсь. Ыджыд мам мукөдкөд партитчөмөн подөн вет-

лывлөма Вылыс Турьяө кевмысьны. Сійө вөлі казътывлө: "Войыд суас да пырам код дорө кө узьны. Көзьяиныслы колө вөлі сетны 5 ур. Ме, варов мортыд, век пуксывлі пызан саяс (сөянным, дерт, асланым, а чай стөкантө некор эз жалитны туй мортыдлы). Менам пөпутчикөй век порог дорас йөжгыльтчөмөн сөйлывліс. А петігас шуліс, тэ пө пызан саяд сөйин да 3 урсө сет, а ме - кыксө". Сюсь йөзыд тай и сэк тырмылөма.

Том дырйиыс ыджыд мам медасылөма пусьыны-пөжасьны Пермө, озыр семьяө. Кор воөма кад паспорт босьтны, сійө вөзйысьөма гортас недыр кежлө. Көзьяйкаыс шуөма, мед пө өти кокыд тані вөлі, а мөдыс - гортад. Бөрсө, дерт, баб абу мунөма. "Сідз, өти кок йылын и ковмис овны нэмсө", - серавліс сійө.

Пусис да пөжасис ыджыд мам зэв чөскыда. Сөчөнъясыд да шаньгаясыд вомад вөлі сылөны. Коркө, вөр лөдзигөн, Онтөн Миш вайөма артеляс гортсаяссянь сөян. "Видзөда да, менам Одялысь пөжассө мөд морт сөйө. Нинөм он вөч, сідз и ковмис йөз шаньгатө аклявны", - казътывлөма ыджыд бать.

Көть семьяыс ыджыд мамлөн вөлі ыджыд, бөръявылыс сійө оліс меддзоля ныв ордас. Кык пи да кык ныв водз кулөмаөсь. Кык нылыс өтпырйө. Ыджыд мам синвасө чышкалө, а найө пө шуөны: "Эн бөрд, мамук, ми өд райө на веськалам". Медыджыд писө репрессируйтлісны. Иван дыр оліс да уджаліс Москваын, сөсся - Сыктыв-карын, обкомын. Кор арестөваннойясөс нуөны вөлөм Колымаө, Иван Дмитриевич заступитчөма кодкө вөсна, да сійөс туй бокас и лыйөмаөсь,

Велөдысьяслөн династия



Вочса велөдысьяс

Менсьым мамөс, Мария Ивановна Морохинаөс, төдөны уна сикт-грездын. Казьтывлөны сийөс вежөра, бур велөдысьөн, кодi отсалiс петны паськыд олөмө уна-уна челядьлы. Мам эз удит помавны школасө Кулөмдiнын. Кыдзи пансис Великөй Отечественнөй война, сийөс мөдөдiсны велөдысьөн Окөсө. Тадзи заводитчис мамлөн кузь туй, көнi вөлины и мылькъяс, и гуранъяс. Водзө уджалiс Дзолъын, Габовоын, Донын, Вочын, 1953-өд восянь шойччөг вылө петтөдз - Лөгиньягын. И быдлаын вөли сьөкыд, помтөм удж. Мам сетiс челядь велөдөмлы 34 во. Медводдза отсасъысьөн вөли ыджыд мам, Александра Петровна Тарабукина, кодi тшөтш вөли велөдысьөн 43 во. Содтам менсьым 32 во челядькөд уджалөм: велөдi Лөгиньягса школаын, вөли воспитателььөн Кулөмдiнса 1-өд номера детсайдьын, 18 во велөдi посни челядьөс шөр школаын.

Сидзкө, миян семья сетiс челядь велөдөмлы 109 во, быдса нэм.

Снимок вылын Вочса велөдысьяс. Менам мам сулалө вылыс радас шуйгавывсянь медводдзаөн. Дас во сайын сийө эновтiс таладор югыдсө. Тайө казьтылөмыс лоө мамлы память сетөм.

Кулөмдiн шөр школаын вөвлөм велөдысь С.Гусева.

коньорөс. Та йылысь висьталiс миянлы Лапин, кодi колис ловйөн да жежалiс ыджыд мам дорө 1957 воын. Кык внуксө ыджыд мамлысь мөдөдөмаөсь Полтаваө, детдомө. Ёна эськө Ким да Вилен вөйысьөмаөсь Кулөмдiнө, гижлөмаөсь бабыслы письмөяс. Но кытчө найөс босьтан? Ким 19 арөсөн усис война вылын.

Кор менам мам помалiс педтехникум, сийөс дыр эз мөдөдны школаө. Сөмын август помө сийөс индiсны уджавны Помөсдiнса шөр школаө. Да и то, тшөктөмаөсь следитны сы бөрся, сы вөсна, мый мам "враг народа лөн" чой. А директорыс, Сахаров, шулөма: "Ог төд, кодi код бөрся кутас следитны, менам батьөй өд тшөтш пукалө."

Ставсө тай муса ыджыд мамлы колiс терпитны. "Из сьөлөм кө вөли, важөн нин потiс, а вот яй сьөлөмыд кутчысис", - шулiс сийө. Помөсдiнын мам уджалiс война помасьтөдз. Ыджыд мам век отсасис сылы. Олыштас недыр и бөр мөдөдчас Кулөмдiнө. Мамлы шуас: "Ме, Катя, талун гортө лэчча". Мам көсийсыс школа бөрын корсьны вөв, локтас гортө, а баблөн дукыс нин абу. Көзьяйкаыс сералө: "Мыйөн тэнад мышкуыд саялiс, мамыд и петiс туйө. Со пө менам вөлыс, - индас бедь вылө."

А кутшөм сьөкыд ыджыд мамлөн вөли олөмыс война кадас. Сийө лыддысис иждивенечөн да нянь карточка сылы эз сетлыны. Менө да мамөс баб удзөдны эз көсийы да пөжалө, вөлөм, аслыс торйөн бобөньянысь. Дзольадырйи на ме аддзи лөскысь ыджыд корадодь, көнi тырыс вөли косьтөм бобөньянь. Сэк мам и висьталiс меным тайөс. Кор сөмын

кутiс пыктавны ыджыд мам, вермисны тшөктыны сийөс сөйны нянь.

Өлексеевна (тадз шулiсны бабөс суседъяс) век уджалiс колхозын. А менам чужөм бөрын ковмис сылы видзны кагаөс. Отчыд бригадырыс аддзөма шор сайсянь, мый баб уджалө ас град йөрын, да котөрөн локтөма видны, ыстыны общөй му вылө. Но аддзөма дзольа кагатө да ланьтөма. А мамлөн война дырйи эз вөв ни отпуск, ни шойччан лун. Школа бөрад век колө вөли мунны колхоз муяс вылө, а войяснас өчерөдөн дежуритны вышка вылын. Менам быдмигөн тайө вышкаыс вөли сулалө на өнiя шөр школалы паньд.

Кор ыджыд мам дзикөдз нин эбөстөммис, локтiс мам дорө бригадыр да крапнитiс: "Екатерина Дмитриевна, таво керка дорад эн пуктысьөй. Тайө приказ. Верманьд сөмын дзоридзьяс быдтыны".

"Да, градтыр пукта цветъяс, пуксьөда сэтчө пөрысь мамөс," - вочавидзис мам. Дыр думайттөг сийө гижис письмө Москваө. Лун дас мысти локтiсны миянө чина йөз, тшөктiсны пуктыны мый окота, а ыджыд мамлы та бөрын индiсны персональнөй пенсия.

Ыджыд мам көсийөма видзны менө вит арөсөдз. Сэсса пө позьө и кувны спокойнөя. Олiс сийө 90 во, кулiс, кор меным вөли 21 арөс.

Карточка вылас менам ыджыд мам. Сийө ёна вотчывлiс. Шуө вөли: "Вөрас кө пө кык тшак сөмын петөма, - өтикыс менам."

Кодкө, гашкө, төдас на снимок вывьсыс сылысь өртъяссө.

Н.Попова.



Кеша ордын

Челядь шөр библиотекалөн лист бок



Нывкаяс да зонкаяс, чолөмалам тиянөс виль велөдчан воён!

Гожөмбыд шойччөм бөрын ставныйд бара аддзысинныйд ёртъяскөд. Эм, мый йылысь казтышитны да висътышитны өта – мөдлы. Дерт жө нин медводз ти казтышитанныд ассыныд вежөрө мөрччөмторъяс да ыджыд вермөмъяс. Талунъя лист бок төдмөдө тиянөс, ныв – зонъяс, кулөмдинса челядьлөн шуда мөвпъясөн да вермөмторъясөн.

Радпырысь чолөмалам Кучева Юляос, «Мый? Көни? Кор?» библиотекаса ворсөмын вермысьос, Рассыхаева Софьяос, мөд места босьтөмөн, сідз жө мукөд ворсысьясос: Хлопина Дарьяос, Мишарина Анастасияос, Напалков Романос, Мартюшева Екатеринаос. Налы вичмисны аттёалана письмөяс.

Гуляева Анастасия некымын во нин ветлөдлө «Домисолька» кружок вылө, кодөс нуөдө Симпелева Ирина Юрьевна. Настя – енбиа нывка, пырөдчө районса да республикаса конкурсьясө, көни босьтө приза местаяс. Нывкалөн зэв мича гөлөс. Съылө ичөтдырсянь.

Таво гожся каникулъяс дырйи аслас веськөдлыськөд ветлісны «Көрткерөсса гожөм - 2012» IV республикаса том йөз творчестволөн фестиваль вылө.

Настя «А тэ висътав» сьыланкывйөн босьтис коймөд места (шыладыс М.Уляшевлөн, кывъясыс Г.Юшковлөн).

Сиама Настялы водзө сьывны да босьтны вылынджык тшупөда местаяс.



Кучева Юлия (шуйгавылас) ёртъясыскөд



Гуляева Анастасия (шуйгавылас)



Хлопина Дарья Серафим Саровский вичко дорын

Таво ме шойччи «Митино» санаторийын. Быд лун ми вөчим зарядка, зев ёна гажөдчим, исласим көле-саа конькиён, самокат да катамаранъяс вылын. Катамаран - пыжсяма, сөмын интереснөйджык да гажаджык, көни пукалөны нель морт: өтиыс бергөдлө педаль, мөдыс веськөдлө, а кыкөн пукалөны бөрас да нимкодьясьоны.

Дерт жө ставныслы кажитчис «Теренкур» - тайө ты бокти быдлунъя гуляйтөм. Жар поводдяө ми гуляйтим ты дорын, көни олөны уткаяс. Найөс ми вердим нянь торпыригъясөн. Тшөкыда ветлөдлим кинотеатрө, магазинө да кафеө. Меньым зэв ёна кажитчисны гожся лунъяс Митиноын.

**Хребет Мария,
Кулөмдин шөр школаса
4-өд класса велөдчысь.**

Таво гожөм колляли зэв бура. Ме мамөкөд, батькөд да Витя воккөд ветлим Украинаө. Шойччим Съод саридз дорын Скадовск да Осоково каръясын. Купайчигөн саридзысь аддзыли медуза.

Николаев карын ветлим зоопаркө. Гортө бөрсө мунигөн пыравлим Дивеевоө Серафим Саровский ордө. Лунвылын шойччигөн вежөрө колины уна бур казтылөмъяс.

**Хлопина Дарья,
Кулөмдин шөр школаса
2-өд класса велөдчысь.**

Чолөмалам тшупөда пас Вуджөмөн!

Дина Николаевна Нестероваёс
Иван Васильевич Рассыхаевёс
Виктор Анатольевич Пименовёс
Антонина Васильевна
Сладкошгиеваёс

Мария Михайловна Липинаёс
Николай Михайлович Беловёс
Валентина Григорьевна Рассыхаеваёс
Изосим Фёдорович Парахневичёс
Людмила Егоровна Пименоваёс
Василиса Семёновна Поповаёс
Валентина Андреевна
Касеваёс

Мария Николаевна Есинаёс
Николай Петрович Игнатовёс
Виталий Васильевич Попвасевёс
Лариса Альбертовна Липинаёс
Александр Александрович Чалановёс
Николай Алексеевич Тимковёс
Николай Васильевич Напалковёс
Анна Александровна Поповаёс
Михаил Николаевич Самаринёс

Галина Степановна Гилеваёс
Елена Васильевна Гуляеваёс
Зинаида Сергеевна Пашнинаёс
Марина Владимировна Есеваёс
Надежда Ивановна Савкееваёс
Ольга Ивановна Липинаёс
Мария Борисовна Кузнецоваёс
Наиль Абдулкадырович
Кантемировёс

Анатолий Николаевич Матвеевёс
Алексей Борисович Рассыхаевёс
Светлана Андреевна Головачёс
Иван Алексеевич Логуновёс
Александр Григорьевич
Аргуянёс
Мария Асхадовна
Поповаёс

Михаил Николаевич Шаховёс
Валентина Ивановна Кузнецоваёс
Доментий Степанович Гичевёс
Николай Иванович Поповёс
Наталья Николаевна Тюрнинаёс
Анатолий Васильевич Кочановёс
Иван Иванович Ульныровёс
Владимир Александрович
Володинёс

Тамара Николаевна Уляшеваёс
Любовь Николаевна
Юдинаёс

Валентина Кондратовна Липинаёс
Михаил Васильевич Шаховёс
Надежда Васильевна Русиноваёс
Елизавета Изосимовна Гуляеваёс
Александра Александровна
Липинаёс

Валентина Васильевна
Шмаковаёс
Мария Алексеевна Уляшеваёс
Валентина Ивановна Ильинаёс
Иван Илларионович Игнатовёс
Диана Николаевна Тимушеваёс
Нина Григорьевна Томоваёс
Лариса Анатольевна
Нестероваёс

Александр Степанович
Воробьёвёс
Василий Иванович Турьевёс
Александр Вениаминович
Поповёс
Людмила Анатольевна
Лодыгинаёс

Камиль Шайхиурович Мусинёс
Виктор Яковлевич Кудрявцевёс
Сергей Васильевич Рубцовёс
Валентина Ивановна Поповаёс
Борис Игоревич Мингалёвёс
Вера Ивановна Коняеваёс
Надежда Николаевна
Лодыгинаёс


Светлана Степановна Липинаёс
Фёдор Григорьевич Логиновёс
Сергей Геннадьевич Жигановёс
Борис Михайлович Чалановёс
Валентина Александровна
Нестероваёс
Анна Михайловна Николаеваёс

Надежда Васильевна
Мишаринаёс
Людмила Григорьевна
Мамонтоваёс
Анатолий Андреевич Расовёс
Александр Иванович Расовёс
Александр Валентинович
Маркинёс

Татьяна Степановна
Мишаринаёс
Наталья Егоровна Лобановаёс
Галина Васильевна Тарабукинаёс
Юлия Адольбертовна
Романёс.

*Сиам крепыд дзоньвидзалун,
ыджыд шуд да кузь нэм!*

ЧОЛӨМАЛӨМЪЯС!



Чолөмалам Иван Иванович Ноגיעвёс олөмас ыджыд тшупөд вуджөмөн - 60 арөс тырөмөн.

Аслас олөмын и уджын Иван Иванович пыр йөз пөвстын: уджаліс Печораса авиаотрядын, Кулөмдінса шөр школаын, РОВД-ын. Ассыс висьтыяссө йөздліс районса газетын, "Би кинь", "Чушканзи" да "Войвыв кодзув" журналтыясын. 2011 воө петіс сылөн "Винегрет" книга. Активнөя участвуйтө "Миян Кулөмдін" газет лэдзөмын.

Сиам сылы бур дзоньвидзалун, кузь нэм да быдлунгя олөмын радлун.

"Миян Кулөмдін" газетлөн редколлегия.

Пасйисны сапфирөвөй көлысь



Анатолий Максимович да Нина Ивановна Буткин'ныасөс төдө Кулөмдін сиктса да районса быд олысь. Öгыс уджаліс водительбөн, мөдыс "Парма гор" газетын пьсьмөяс юкөна редакторөн. Налөн уджалан стажыс өтлаын 80 сайё во.

Öтувгья семьяөн олөмыслы таво тыри 45 во. Гозгья быдтісны да велөдісны куим челядьёс. Öні налөн 4 внучка, 2 внук.

Öні Нина Ивановна отсасьө лэдзны «Миян Кулөмдін» газет.

Чолөмалам Буткин гозгьяёс олөмын ыджыд пас вуджөмөн, сиам крепыд дзоньвидзалун, кузь нэм да бур шуд.

"Миян Кулөмдін" газетлөн редколлегия.

Лыгдун? Аттё! Сет төдсаыглы!

Учредительяс: Сикт овмөдчөминлөн Разөдсьө
Совет да администрация.

дон босьтөт.

Редакциялөн адрес: 168060,
Кулөмдін сикт, Гагарин улича, 1

Главнөй редактор И.Т.МОРОХИН.
Кырымалөма печатгө сентябр 26 лунө.

Газетсө лэдзөма «Кировса областнөй типография» КОГУП-лөн Мурашиса филиалын. 613710. Мураши. Роза Люксембург нима улича, 4. Тираж 998. Заказ

